

**«Հայաստանի պետական տնտեսագիտական համալսարան»
պետական ոչ առևտրային կազմակերպության գիտական խորհուրդ**

Ո Ր Ո Շ ՈՒ Մ
23 հունիսի 2014 թվականի

**«Ֆինանսական ֆակուլտետի դեկանի հաշվետվությունը»
հարցի մասին**

Լսելով և քննարկելով «Ֆինանսական ֆակուլտետի դեկանի հաշվետվությունը» հարցը (զեկուցող՝ ֆինանսական ֆակուլտետի դեկան, տնտեսագիտության թեկնածու, դոցենտ Զ.Կ.Կիրակոսյան, հարակից զեկուցող՝ ստուգող հանձնաժողովի նախագահ, ռեկտորի խորհրդական, տնտեսագիտության դոկտոր, պրոֆեսոր Գ.Ե.Կիրակոսյան)՝ գիտական խորհուրդն արձանագրում է. ֆակուլտետում 2013-2014 ուսումնական տարվա առաջին կիսամյակում ուսումնական և գիտահետազոտական աշխատանքներն իրականացվել են համալսարանի գիտական խորհրդի և ռեկտորատի որոշումներին ու հանձնարարականներին համապատասխան: Դեկանատը և ամբիոնները որոշակի գործունեություն են իրականացրել ուսումնական գործընթացը պատշաճ մակարդակով կազմակերպելու, ուսումնական և գիտահետազոտական աշխատանքների որակը բարձրացնելու ուղղությամբ:

Ընթացիկ ուսումնական տարվա առաջին կիսամյակում ուսման առաջադիմությունը ֆակուլտետում առաջին լուծարքից հետո կազմել է՝ առկա ուսուցման բակալավրիատում՝ 90.2%, հեռակա ուսուցման բակալավրիատում՝ 70.1%, առկա ուսուցման մագիստրատուրայում՝ 94.8% և հեռակա ուսուցման մագիստրատուրայում՝ 90.4%:

Ամբիոններն էական առաջընթաց են ապահովել ուսումնական գործընթացը նոր ուսումնական պլաններով և առարկայական ծրագրերով իրականացնելու, ուսումնական և ուսումնամեթոդական ձեռնարկներ, դասախոսությունների նյութեր պատրաստելու և հրատարակելու գործում: Բարելավվել և ժամանակակից պահանջներին են համապատասխանեցվել բակալավրական և մագիստրոսական առկա մասնագիտությունների ուսումնական պլանները և առարկայական ծրագրերը: Նշված ժամանակահատվածում ֆակուլտետի դասախոսները հրատարակել են 1 ուսումնամեթոդական ձեռնարկ, 36 գիտական հոդված, 4 գիրք, 1 մեթոդական ուղեցույց:

2013-2014 ուսումնական տարում ամփոփիչ ատեստավորման հանձնաժողովների որոշմամբ ֆակուլտետի հեռակա ուսուցման 155 մագիստրանտներ ստացել են համապատասխան մասնագիտությունների **մագիստրոսի** աստիճան, որոնցից 1-ը ստացել է գերազանցության դիպլոմ:

Ֆակուլտետի խորհրդի 7 և դեկանատի 29 նիստերում քննարկվել են ուսումնական, գիտական, մեթոդական, դաստիարակչական, կարգապահական և կազմակերպական բնույթի հարցեր, վերլուծվել են ֆակուլտետում իրականացվող ուսումնագիտական աշխատանքները:

Արձանագրված խնդիրներ

1. Ուսումնական պլանների և առարկայական ծրագրերի նորացման ու ժամանակակից պահանջներին համապատասխանեցման հետ կապված խնդիրներ:
2. Ֆակուլտետի ամբիոնների միջազգային կապերի ընդլայնման խնդիրներ:
3. Դասավանդման որակի ու մեթոդների, ուսանողներին մատուցվող նյութի և մատուցման եղանակների հետ կապված խնդիրներ:
4. Դասախոսների տարիքային կազմի, դրանով պայմանավորված սերնդափոխության, կադրերի ընտրության հետ կապված խնդիրներ:
5. Դասախոսների բեռնվածության ոչ օպտիմալ բաշխման հետ կապված խնդիրներ:
6. Ուսումնաարտադրական փորձառության կազմակերպման ու անցկացման հետ կապված խնդիրներ:
7. Ավարտական աշխատանքների և մագիստրոսական թեզերի թեմաների արդիականացման և գրախոսությունների որակի բարձրացման հետ կապված խնդիրներ:

Ելնելով վերոնշյալից՝ գիտական խորհուրդը որոշում է.

1. Ֆինանսական ֆակուլտետի ուսումնական և գիտահետազոտական աշխատանքների մասին հաշվետվությունն ընդունել ի գիտություն և կատարվածը գնահատել բավարար:

2. Հանձնարարել ֆակուլտետի ղեկանատին՝

- 1) համալսարանի գիտական խորհրդի և ռեկտորատի որոշումները քննարկել ֆակուլտետի խորհրդի և ամբիոնների նիստերում, առկա թերությունների վերաբերյալ մշակել համապատասխան միջոցառումներ՝ դրանք շտկելու ուղղությամբ.
- 2) ուշադրության կենտրոնում պահել ֆակուլտետում վարվող կադրային քաղաքականությունը, ամբիոնների կողմից դասախոսների ընտրության և համալրման գործընթացը՝ նախապատվություն տալով բանիմաց, ակտիվ գիտահետազոտական գործունեություն իրականացնող, մանկավարժական և մասնագիտական անհրաժեշտ ունակություններ ունեցող կադրերին.
- 3) հսկողություն իրականացնել դասալուսման գործընթացի նկատմամբ, ֆակուլտետի խորհրդում պարբերաբար քննարկել դրանց արդյունքները.
- 4) ամբիոններում աշխատանքներ իրականացնել մագիստրոսական խմբերում դասավանդման մակարդակն ու մատուցվող նյութի որակը բարձրացնելու և բարձրորակ դասախոսական կադրերով ապահովելու ուղղությամբ.
- 5) հսկողության տակ պահել դասամատյաններում ուսանողների հաճախումների և ընթացիկ ակտիվության հաշվառման ու գնահատման գործընթացը: Տարբեր պատճառներով դասաձախողումների դեպքերը դարձնել առանձին քննարկման առարկա.

- 6) ամբիոնների հետ միասին բարելավել խնամարկուների աշխատանքը ինչպես առկա, այնպես էլ հեռակա ուսուցման համակարգերում.
- 7) խրախուսել ուսումնամեթոդական ձեռնարկների, խնդրագրքերի, դասախոսությունների նյութերի նախապատրաստման և հրատարակման աշխատանքները.
- 8) ակտիվացնել ուսանողական գիտական ընկերության ֆակուլտետային խորհրդի գործունեությունը՝ առավելագույնս ներգրավելով հետազոտական աշխատանքի ունակություններով օժտված ուսանողներին և մագիստրանտներին.
- 9) հետևել աշխատանքային կարգապահությանը՝ խախտումների ցանկացած դեպք դարձնելով առանձին քննարկման առարկա.
- 10) առավել արդյունավետ դարձնել դեկանատի աշխատողների կողմից ուսանողներին մատուցվող ծառայությունները:

3. Ֆինանսական ֆակուլտետի կազմի մեջ մտնող ամբիոնների վարիչներին՝

- 1) վերանայել և արդիականացնել բոլոր մասնագիտությունների ու մասնագիտացումների ուսումնական պլաններն ու առարկայական ծրագրերը՝ ուղղված գործատուների պահանջների և կրթություն-աշխատաշուկա կապի ամրապնդմանը.
- 2) մագիստրատուրայում կրթության որակի բարձրացման, ուսանողների հաճախումների բարելավման նպատակով առաջարկում ենք յուրաքանչյուր մասնագիտության և մասնագիտացման համար նշանակել առանձին ծրագրի ղեկավար, որը պետք է պատասխանատվություն կրի ուսումնական պլանների և առարկայական ծրագրերի ու ուսանողների հաճախումների համար, ինչպես նաև կազմակերպի մագիստրանտների գիտահետազոտական աշխատանքները, գիտամանկավարժական և գիտահետազոտական փորձառությունները.
- 3) մշակել և թարմացնել դասավանդվող բոլոր դասընթացների առարկայական ծրագրերը՝ միասնական մեթոդաբանությամբ և կառուցվածքով.
- 4) խրախուսել հայալեզու գրքերի, ուսումնական ձեռնարկների, դասախոսությունների նյութերի, խնդիրների և թեստերի ժողովածուների հրատարակումը.
- 5) բարձրացնել յուրաքանչյուր դասախոսի պատասխանատվությունը դասավանդման որակի բարելավման, ուսանողների ընթացիկ ակտիվության գնահատման և անհատական աշխատանքների ղեկավարման գործում.
- 6) հատուկ ուշադրություն դարձնել ամբիոնների պրոֆեսորադասախոսական կազմի սերնդափոխության գործընթացին, ասպիրանտուրայի և դոկտորանտուրայի միջոցով համապատասխան կադրերի պատրաստման խնդրին՝ կարևորելով նրանց ոչ միայն գիտահետազոտական, այլև մանկավարժական ունակությունները.

- 7) ակտիվացնել գիտահետազոտական աշխատանքները, բարձրացնել գիտական հետազոտությունների մակարդակն ու որակը.
- 8) մշակել և կիրառել դասախոսությունների, սեմինար ու գործնական պարապմունքների վարման նոր, ժամանակակից և արդյունավետ մեթոդներ.
- 9) մշակել ուսումնաարտադրական, գիտամանկավարժական և գիտահետազոտական փորձառությունների նոր ծրագրեր, պատշաճ հսկողություն իրականացնել փորձառությունների ընթացքի նկատմամբ.
- 10) անմիջական հսկողություն իրականացնել համապատասխան ակադեմիական խմբերում ուսումնական գործընթացի կազմակերպման նկատմամբ, պարբերաբար լսել և քննարկել խնամարկուների հաղորդումները.
- 11) աջակցել վճարովի ուսուցման համակարգում սովորող ուսանողների ուսման վարձի հավաքագրման աշխատանքներին:

4. Սույն որոշումը քննարկել ֆակուլտետի խորհրդի և ամբիոնների նիստերում ու ձեռնարկել համապատասխան միջոցներ նշված հանձնարարականների կատարման համար:

5. Սույն որոշման կատարման նկատմամբ վերահսկողությունը վերապահել պրոռեկտորներ Պ.Ա.Քալանթարյանին, Մ.Ն.Հարությունյանին և Գ.Ի.Վարդանյանին:

Գիտական խորհրդի նախագահ

Կ. Լ. Աթոյան

23.06.2014 թ.